



Željko Dizdović  
25-09-2020  
2465/20

**JAVNO PREDUZEĆE ŽELJEZNICE FEDERACIJE BOSNE I HERCEGOVINE**  
**društvo sa ograničenom odgovornošću SARAJEVO**  
**71 000 Sarajevo, Musala 2**

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509. DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT:PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 102050000088171, DEVIZNI-IBAN:BA39+102050000088171 SWIFT:UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: I-15887-1/2020  
Datum: 23.09.2020.godine  
Mjesto: Sarajevo

Na osnovu člana 70. stav (4), a u vezi sa članom 69. stav (2) pod d) Zakona o javnim nabavkama ("Službeni glasnik BiH", broj: 39/14), člana 60.2 Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15 i 24/17), člana 19. Pravilnika o javnoj nabavci roba, usluga i radova u posebnim okolnostima broj: NO-24771-1-6./2017 od 23.11.2017. godine, člana 3. Pravilnika o izmjenama i dopunama Pravilnika o javnoj nabavci roba, usluga i radova u posebnim okolnostima broj: NO-25507-1-4./2017 od 07.12.2017. godine i Zapisnika o pregledu i ocjeni ponuda sa preporukom Komisije broj: GD-42-1/20 od 22.09.2020. godine, Predsjednik Uprave – Generalni direktor d o n o s i:

**O D L U K U**  
o poništenju postupka javne nabavke

**I**

Poništava se postupak konkurentskog zahtjeva za dostavu ponuda za javnu nabavku roba – lična zaštitna oprema i sredstva za dezinfekciju i zaštitu od virusne infekcije COVID 19, za potrebe JP ŽFBiH d.o.o. Sarajevo, tender broj: GD-42/20.

**II**

Za realizaciju ove Odluke zadužuje se Sektor za nabavke i prodaju.

**III**

Ova Odluka stupa na snagu danom donošenja.

**O b r a z l o ž e n j e**

Predsjednik Uprave – Generalni direktor Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Posebnom odlukom broj: I-12337-1/2020 od 17.07.2020. godine odobrio pokretanje postupka putem konkurentskog zahtjeva za dostavu ponuda za javnu nabavku roba – lična zaštitna oprema i sredstva za dezinfekciju i zaštitu od virusne infekcije COVID 19, za potrebe JP ŽFBiH d.o.o. Sarajevo, tender broj: GD-42/20.

Obavještenje o nabavci je objavljeno na portalu javnih nabavki dana 11.08.2020. godine pod brojem: 1050-7-1-238-3-82/20.

Na osnovu člana 63. Zakona o javnim nabavkama ("Službeni glasnik BiH", broj: 39/14), Komisija za nabavke (u daljem tekstu: Komisija), imenovana Rješenjem Predsjednika Uprave - Generalnog direktora, broj: I-12348-1/2020 od 17.07.2020. godine je 03.09.2020. godine u 11:30 sati, izvršila javno otvaranje ponuda. Do roka određenog za prijem ponuda, dostavljene su 2 (dvije) ponude, i to:

UIC 50

Bosna i Hercegovina

Ponuda ponuđača **"NERZZ BEŠLAGIĆ" d.o.o. Visoko**, koji je ponudio:

- Cijena: 28.130,00 KM bez PDV-a, odnosno 32.912,10 KM sa PDV-om,
- Rok isporuke: 5 dana.

Ponuda ponuđača **"DEFTER" d.o.o. Sarajevo**, koji je ponudio:

- Cijena: 10.91 KM bez PDV-a, odnosno 12,76 KM sa PDV-om,
- Rok isporuke: 15 dana.

Komisija je izvršila pregled i ocjenu pristiglih ponuda, te utvrdila sljedeće:

Ponuda ponuđača **"NERZZ BEŠLAGIĆ" d.o.o. Visoko** je ocijenjena neprihvatljivom, te se ista odbacuje iz sljedećih razloga:

Ponuđač **"NERZZ BEŠLAGIĆ" d.o.o. Visoko** u svojoj ponudi nije dostavio uz ponudu:

- Dokaz o registraciji po članu 46. ZJN nije dostavljen uz ponudu, traženo tačkom 2.2.4. tenderske dokumentacije,
- Dokaz o ekonomskoj i finansijskoj sposobnosti po članu 47. ZJN nije dostavljen uz ponudu, traženo tačkom 2.2.5. tenderske dokumentacije,
- Dokaz o ipunjavanju opštih uslova tehničke i profesionalne sposobnosti po članu 48. i 49. ZJN nije dostavljen uz ponudu, traženo tačkom 2.2.9. tenderske dokumentacije,

Osim navedenoga u ponudi ponuđača **"NERZZ BEŠLAGIĆ" d.o.o. Visoko** originalna izjava po članu 45. ZJN nije ovjerena kod nadležnog organa (notar, općinski organ i dr.) traženo tačkom 2.2.1 konkurentskog zahtjeva za dostavu ponuda i originalna izjava po članu 52. ZJN nije ovjerena kod nadležnog organa (notar, općinski organ i dr.) traženo tačkom 2.2.14 konkurentskog zahtjeva za dostavu ponuda.

Također ponuđač **"NERZZ BEŠLAGIĆ" d.o.o. Visoko** u obrascu za cijenu ponude nije naveo proizvođača za ponuđene zaštitne rukavice i ponuđeno sredstvo za dezinfekciju odnosno nije ispunio obrazac za cijenu ponude kako je to traženo tačkom 2.5 konkurentskog zahtjeva za dostavu ponuda.

Pri pregledu ponude ponuđača **"DEFTER" d.o.o. Sarajevo**, Komisija je uočila računsku grešku u ponudi broj: 562/2020 od 02.09.2020 godine.

U skladu sa članom 58. Zakona o javnim nabavkama Bosne i Hercegovine (Sl. gl. BiH broj 39/14) i članom 17. Uputstva za pripremu modela tenderske dokumentacije i ponuda (Sl. gl. BiH 90/14 i 20/15) ponuđaču **"DEFTER" d.o.o. Sarajevo** je 14.09.2020 godine upućen zahtjev broj: 1-15271-1/2020 za računsku ispravku ponude u kojem je traženo da se u roku od 3 (tri) dana putem faksa i u roku od 8 (osam) dana napismeno izjasni da li prihvata, na osnovu ponuđenih jediničnih cijena roba, učinjenu računsku ispravku vrijednosti ponude zasnovanu na okvirnim količinama, prema obrascu za cijenu ponude iz tenderske dokumentacije GD-42/20 za sve robe, na slijedeći način:

1. Zaštitna maska za lice, cijena zasnovana na ponuđenoj ambalaži od 50 komada maski bez obračunatog PDV-a je 0,89 KM, te je cijena ponude za 1.400 komada maski za lice 24,92 KM bez obračunatog PDV-a.
2. Zaštitne rukavice za ruke, cijena zasnovana na ponuđenoj ambalaži od 50 pari bez obračunatog PDV-a je 0,29 KM, te je cijena ponude za 60.000 pari rukavica 348,00 KM bez obračunatog PDV-a.
3. Sredstvo za dezinfekciju, cijena zasnovana na ponuđenoj ambalaži od 1 litre bez obračunatog PDV-a je 8,93 KM, te je cijena ponude za 400 litara sredstva za dezinfekciju 3.572,00 KM bez obračunatog PDV-a.

Ovom ispravkom ukupna vrijednost svih roba iz ponude ponuđača, zasnovana na okvirnim količinama od 1400 komada zaštitnih maski za lice, zajedno sa 60000 pari zaštitnih rukavica za ruke i zajedno sa 400 litara sredstva za dezinfekciju bez obračunatog PDV-a ispravljena je na iznos od 3.944,92 KM (4.615,56 KM sa PDV-om). U svim ostalim elementima ponuda ponuđača "DEFTER" d.o.o. Sarajevo ostaje neizmjenjena. Ukoliko ponuđač ne prihvati ovu računsku ispravku ili propusti u predviđenom roku da odgovorite na ovaj dopis, ugovori organ će ponudu odbiti.

U odgovoru na poslani zahtjev za računsku ispravku ponude ponuđač je dana 15.09.2020. godine dostavio svoje Izjašnjenje broj: 562-1/2020 kojim ne prihvata učinjenu računsku ispravku ponude navedenu u zahtjevu i navodi da ukupna cijena njegove ponude zasnovana na okvirnim količinama iz obrasca za cijenu ponude iznosi 22.218,00 KM bez PDV-a, odnosno 25.995,06 KM sa PDV-om, a iz njegovog Izjašnjenja na zahtjev za računsku ispravku Ponude 562/2020 vidi se da ponuđač "DEFTER" d.o.o. Sarajevo nije razumio Obrazac za cijenu ponude i da ovaj obrazac nije ispravno popunio.

Zbog svega naprijed navedenog u skladu sa članom 68. stav (4) pod g) ZJN komisija za javne nabavke odbacuje ponudu ponuđača "DEFTER" d.o.o. Sarajevo jer nije prihvatio računsku ispravku dostavljene ponude.

Cijeneći navedeno, Komisija je utvrdila da nisu ispunjeni zakonski uslovi za nastavak postupka nabavke i zaključenje ugovora, te je u skladu sa članom 18. stav 3) Pravilnika o javnoj nabavci roba, usluga i radova u posebnim okolnostima, broj: NO-24771-1-6./2017 od 23.11.2017. godine i članom 2. Pravilnika o izmjenama i dopunama Pravilnika o javnoj nabavci roba, usluga i radova u posebnim okolnostima, broj: NO-25507-1-4./2017 od 07.12.2017. godine, dala p r e p o r u k u Predsjedniku Uprave - Generalnom direktoru za donošenje Odluke o poništenju postupka javne nabavke roba – lična zaštitna oprema i sredstva za dezinfekciju i zaštitu od virusne infekcije COVID 19, za potrebe JP ŽFBiH d.o.o. Sarajevo, tender broj: GD-42/20, na osnovu člana 69. stav (2) pod d), jer nijedna od primljenih ponuda nije prihvatljiva.

Na osnovu gore navedenog i Zapisnika o pregledu i ocjeni ponuda, sa preporukom Komisije, broj: GD-GD-42-1/20 od 22.09.2020. godine, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba JP ŽFBiH d.o.o. Sarajevo, u roku od 10 (deset) dana od dana prijema iste, a u skladu sa članom 101. Zakona o javnim nabavkama.

Dostaviti:

- Sektor Opštih poslova,
- Sektor za nabavke i prodaju,
- Sektor plana, analize i raspoređivanja prihoda,
- Ponuđač /x2,
- a/a.

 Predsjednik Uprave – Generalni direktor  
JP ŽFBiH d.o.o. Sarajevo